

臂膀脛足指各自異處飛鳥走獸競來食之
天龍鬼神帝王人民貧富貴賤無免斯患吾
見斯變故行求道不欲更之是吾八師佛時
頌曰

惟念老病死 三界之大患 福盡而命終
棄之於黃泉 身爛還爲土 壽魄隨因緣
吾用畏是故 學道昇涅洹

於是梵志聞佛所說心開意解即得道迹長
受五戒爲清信士不殺不盜不婬不欺奉孝
不醉爲佛歡喜而去

佛說八師經

西晉清信士高承遠譯

聞如是一時佛在波羅柰國賢者飛鳥聚
是時國中有四姓長者名曰越難大豪貴珍
琦珠寶牛馬田宅甚衆多難爲人憚貪嫉妬
不信道德不喜布施日未沒常勑門監有來

乞者勿得通之難有子名栴檀亦復慳貪難
後壽盡還生其國中爲盲乞婦作子其夫言
汝身有重病今復懷軀我以貧窮無以衣食
汝便自去婦受教出門外未遠得大聚糞便
止其中至九月生一子兩目悉盲其母乞食
養之至年七歲母言我養汝大久且自行持
杖取食器行乞當自悲言世間貧者最爲苦
惱今我薄命生貧家兩目復盲無所見者復
爲人所輕易今與我少所飲食愈我飢者譬如
如天雨渴者得飲兒聞母說如是便行家家
乞匄復到栴檀家其子適到時守門者暫小
出盲兒徑入至中庭如母教說之時栴檀在
五經月抄錄
高樓上聞其言大怒便呼守門者問之誰內
此盲乞兒者監門人大懼即掣盲兒撲於門
外傷其頭面復折其右臂壞其食器飯散於
地身體大痛兒叫呼悲啼其母聞之即走到
兒所何等弊人燒我子者我子尚小兩目復
盲有何等過而取之余何一感天兒對母言

我至此門中乞有高聲人呼多力人掣撲折
傷我體大痛如是今且死不久時門上有守
神謂之言汝得是痛尚爲小耳其大在後汝
坐前世有財不布施今故得勤苦世間富貴
無有常富貴而不布施如無有財等耳死更
苦痛迺愁悔當復何益如是觀者甚衆多各

各自語其聲遠聞佛時從念道覺與諸比丘
俱入城分衛遙見之便問阿難是何等聲忿
忿迺如是阿難白佛說盲兒子母本末已便
父手白佛願哀憐到此兒所佛默然不應分
衛還飯已便往視之見盲兒瘡痛以手摩其
頭目便即開折傷處即愈因自識宿命佛問
汝是前世長者字越難不對言是也佛告阿
難人居世間甚勤苦愚癡一世父子不相識
知佛故說偈言

人求子索財 於此二事中 甚憂勤苦痛
他人而得果 有身不能保 何況子與財
譬如夏月暑 息止樹下涼 須臾當復去

安生慧譯

阿難白佛此兒命盡當趣何道佛言當入大
涅槃中一宿佛說是經時八萬餘人皆棄三
垢得法眼諸弟子皆歡喜爲佛作禮而去

佛說越難經

佛說所欲致患經

西晉三藏法師竺法護譯

聞如是一時佛遊舍衛祇樹給孤獨園與大
比丘衆俱比丘五百余時諸比丘明旦著衣
持鉢入舍衛城諸外道異學問諸比丘沙門
瞿曇何因處慧以何別色痛癢思想生死識
字苦云何於此諸法有何差特有何志願何
因爲成沙門瞿曇現法云何何因開化有所
言講諸比丘聞諸外道所言無以報答則從
座起尋捨退去各心念言如此所說當從世
尊啓問詣受爲我分別尋當奉行時諸比丘
分衛已竟飯食畢訖更整衣服徃詣佛所誓